

Leikskóli Vesturbyggðar, þar sem gleðin býr!

Foreldrahandbók

Leikskóla Vesturbyggðar



Leikskóli Vesturbyggðar

Araklettur á Patreksfirði og Tjarnarbrekka á Bíldudal

Útgáfuár 2013 uppfært 2015, 2016 og 2017

Helga Bjarnadóttir leikskólastjóri

Leikskóli Vesturbyggðar, þar sem gleðin býr!

Stefna Leikskóla Vesturbyggðar

Stefna leikskólans í Vesturbyggð breytist og þróast eins og annað í margbreytilegum heimi. Við fórum af stað með þróunarverkefni um Lífsmennt vorið 2014 og lauk því í vor 2016. Lífsmennt er ætlað að stuðla að enn betra og ríkara leikskólastarfi.

Lífsmennt er yfirlýst stefna leikskólans um næstu framtíð.

Þessi stefna er byggð á bókinni Lífsmennt, Living Values) sem unnin var á vegum UNESCO til að gera heiminn okkar betri, fyrir börn og allt samfélag.

Hún byggir á 12 lífsgildum sem fléttast inn í allt starf leikskólans bæði ytra og innra.

Lífsgildin 12 eru þessi: Virðing, Friður, Kærleikur, Hamingja, Umburðarlyndi, Ábyrgð, Samvinna, Auðmýkt, Heiðarleiki, Einfaldleiki, Eining og Frelsi.

Nýtt gildi í tegslum við Vináttuverkefni leikskólans; Hugrekki.



Leikskóli Vesturbyggðar, þar sem gleðin býr!

Ný viðfangsefni

Vináttuverkefni

Vinátta eða *Fri for mobberi* byggir á nýjustu rannsóknum á einelti og á ákveðinni hugmyndafræði og gildum sem skulu samofin öllu skólastarfinu auk raunhæfra verkefna fyrir nemendur, starfsfólk og foreldra.

Leikskólastarismenn þurfa að fara á námskeið til að fá leyfi til að nota það.

Veturinn 2014-2015 tóku sex íslenskir leikskólar í jafnmörgum sveitarfélögum þátt í tilraunavinnu með *Vináttu*. Vináttuleikskólum hefur fjölgað jafnt og þétt og vonandi mun verkefnið verða starfrækt í öllum leikskólaum landsins innan fárra ára.

Umhverfisverkefni

Leikskóli Vesturbyggðar er umhverfisvænn skóli og er Tjarnarbrekka þegar með Grænfánann og Araklettur bíður úttektar landvernar. Skólar á grænni grein er alþjóðlegt verkefni sem hefur það að markmiði að auka umhverfismennt og styrkja menntun til sjálfbærni í skólum. Skólar ganga í gegnum sjö skref í átt að aukinni umhverfisvitund og sjálfbærni. Þegar því marki er náð fá skólarnir að flagga Grænfánanum til tveggja ára og fæst sú viðurkenning endurnýjuð ef skólarnir halda áfram góðu starfi. Grænfáninn er umhverfisviðurkenning sem nýtur virðingar víða í Evrópu sem tákn um árangursríka fræðslu og umhverfisstefnu í skólum. Skrefin sjö eru ákveðin verkefni sem efla vitund nemenda, kennara og annarra starfsmanna skólans um umhverfismál.

Heilsueflandi leikskóli

Leikskóli Vesturbyggðar er þáttakandi í Heilsueflandi leikskóla

Í Aðalnámskrá leikskóla frá 2011 eru **heilbrigði og velferð** skilgreind sem einn af sex grunnþáttum menntunar sem leikskólar eiga að hafa að leiðarljósi og innleiða í öllu sínu starfi.

Mikill samhljómur er með þróunarstarfi Heilsueflandi leikskóla og grunnþættinum um heilbrigði og velferð. Heilsueflandi leikskóli mun því nýtast leikskólum sem verkfæri til að innleiða grunnþáttinn heilbrigði og velferð.



Heilsueflandi leikskóli mun leggja sérstaka áherslu á að vinna með átta lykilþætti sem tengjast skólastarfinu. Þeir eru: **hreyfing, mataræði, geðrækt, öryggi, tannheilsa, fjölskylda, nærsamfélag og starfsfólk**. Gert er ráð fyrir að Heilsueflandi leikskólar setji sér heildræna stefnu um heilsueflandi skólastarf, ásamt tímasettri aðgerðaáætlun, og að í skólanámskrá sé tekið mið af stefnunni. Stefnan þarf að vera unnin í góðu samstarfi skólastjórnenda, kennara, annars starfsfólks, foreldra, barna og nærsamfélagsins en þannig næst bestur stuðningur við málefnið og sameiginlegur skilningur.

Reglulega þarf síðan að meta árangur stefnunnar og endurskoða í samráði við fulltrúa allra þeirra sem áttu þátt í gerð hennar.

Leikskóli Vesturbyggðar, þar sem gleðin býr!

Leikskóli Vesturbyggðar upplýsingar

Leikskólinn er tvær starfsstöðvar, Araklettur á Patreksfirði og Tjarnarbrekka á Bíldudal.

Opnunartími: 07.45 til 16:15

Viðtalstími leikskólastjóra: Eftir samkomulagi

Sími: 450-2343

Netfang: araklettur@vesturbyggd.is > tjarnarbrekka@vesturbyggd.is

Heimasíða: leikskolivesturbyggdar.net

Leikskólastjóri: Hallveig Ingimarsdóttir netf. araklettur@vesturbyggd.is.

Aðstoðarleikskólastjóri: Hallveig Guðbjört Ingimarsdóttir, netf: halla@vesturbyggd.is

Sérkennslustjóri: Aron Ingi Guðmundsson netf. arongud@vesturbyggd.is

Nöfn deilda: Araklettur: Klettur/Krókur/Kot.

Deildarstjóri Kletts: Vala Dröfn Guðmundsdóttir, netf. vala@vesturbyggd.is

Deildarstjóri Króks: Sigríður Valdís Karlsdóttir, netf: siggadisa@vesturbyggd.is

Deildarstjóri Kots: Hallveig Guðbjört Ingimarsdóttir, Iwona mun leysa Hallveigu af um tíma.

Tjarnarbrekka: Tjarnarbrekka

Deildarstjóri Tjarnarbrekku: Lára Þorkelsdóttir netf. lara@vesturbyggd.is

Matráður Arakletti: Rósa Hrafnisdóttir

Matarmál Tjarnarbrekku: (Matur keyptur af grunnskólamötuneyti).

Aðrir kennarar og starfsfólk:

Klettur

Svandís Hjartardóttir, Gígja Þöll Rannveigardóttir, Liza Odchigue Ingvason.

Krókur

Bjarnveig Ásta Guðjónsdóttir, Jóhanna Margrét Magnúsdóttir

Kot

Iwona Ostaszewska, Hulda Gísladóttir. Stuðningur: Guðrún Helgadóttir.

Eldhús.

Arakletti Justyna Bartkowiak, Rósa Guðmundsdóttir

Afleysing engin um stundir.

Tjarnarbrekka

Elínborg Benediktsdóttir, Rut Ólafsdóttir.

Leikskóli Vesturbyggðar, þar sem gleðin býr!

Foreldrahandbók er afhent foreldrum við upphaf leikskólagöngu barns.

Henni er ætlað að vera upplýsingarit til foreldra um það helsta sem viðkemur leikskólanum og dvöl barns í leikskóla. Leikskóli Vesturbyggðar starfa eftir Aðalnámskrá leikskóla frá 2012, samkvæmt lögum nr. 90 12. júní 2008 og reglugerð um starfsumhverfi leikskóla nr. 655 frá 2009.



Stjórnskipan leikskóla

(Samkvæmt lögum nr. 90 12. júní 2008).

3. gr. Yfirstjórn.

Menntamálaráðherra fer með yfirstjórn þeirra mála sem lög þessi taka til, að öðru leyti en varðar stofnun og rekstur leikskóla, sbr. IX. kafla. Ráðherra gætir þess að farið sé eftir ákvæðum sem lög þessi og reglugerð með þeim mæla fyrir um, sbr. V. kafla.

Ráðherra gerir Alþingi grein fyrir framkvæmd skólastarfs í leikskólum landsins á þriggja ára fresti.

4. gr. Sveitarfélög.

Sveitarfélög bera ábyrgð á starfsemi leikskóla. Sveitarfélög hafa forustu um að tryggja börnum leikskóladvöl og bera ábyrgð á heildarskipan skólalahalds í leikskólum sveitarfélags, þróun einstakra leikskóla, húsnæði og búnaði leikskóla, sérúrræðum leikskóla, sérfræðipjónustu, mati og eftirliti, öflun og miðlun upplýsinga og á framkvæmd leikskólastarfs í sveitarfélagi. Sveitarfélög setja almenna stefnu um leikskólalahald í sveitarfélagi og kynna fyrir íbúum þess.

Nefnd, kjörin af sveitarstjórn, fer með málefni leikskóla í umboði sveitarstjórnar. Leikskólastjórar, starfsfólk leikskóla og foreldrar í sveitarfélagi kjósa hver úr sínum hópi aðal- og varamann til setu á fundum nefndarinnar með málfrælsi og tillögurétt.

Hlutverk aðalnámskrár

Aðalnámskrá er ætluð stjórnendum, skóla, kennurum og öðru starfsfólki í skólakerfinu. Einnig veitir hún nemendum, foreldrum þeirra, opinberum stofnunum, félagasamtökum, aðilum atvinnulífsins og almenningi upplýsingar um tilgang og starfsemi skóla. Segja má að aðalnámskrá sé samningur þjóðarinnar við sjálfa sig um menntamál.

Aðalnámskrá birtir menntastefnu stjórnvalda, námsframboð og námskröfur og ber skólum og starfsmönnum þeirra að fylgja ákvæðum hennar við skipulagningu skólastarfs. Aðalnámskrá á því að tryggja börnum og ungmennum góðar aðstæður til náms í samræmi við gildandi lög og menntastefnu.

Aðalnámskrá er helsta stjórnþæki fræðsluyfirvalda til að tryggja samræmi og samhæfingu skólastarfs við útfærslu sameiginlegrar menntastefnu. Námskráin er ein meginforsenda þess að mennta- og menningarmálaráðuneytið geti gegnt lögboðnu hlutverki sínu við að annast yfirstjórn og eftirlit með gæðum og framkvæmd skólastarfs.

Leikskóli Vesturbyggðar, þar sem gleðin býr!

Aðalnámskrá markar starfsramma stjórnenda, kennara og starfsfólks einstakra skóla við skipulagningu, framkvæmd og mat á skólastarfi sem þeim er skylt að útfæra, m.a. í skólanámskrá.

Rekstaraðili

Leikskólar Vesturbyggðar heyra undir Fræðslunefnd Vesturbyggðar og Bæjarstjóra Vesturbyggðar. Sími skrifstofu Vesturbyggðar er 450-2300.

Um leikskóla Vesturbyggðar

Leikskóli Vesturbyggðar eru tvær starfsstöðvar; Araklettur og Tjarnarbrekka.

Araklettur er þriggja deilda stöð; Klettur, yngsta deild, með nemendum frá fjórtán mánaða til þriggja ára, Krókur, miðdeild, með nemendum frá þriggja ára til fimm ára og Kot, elsta deild, með fimm til sex ára börn.

Tjarnarbrekka er ein blönduð deild fyrir börn frá fjórtán mánaða til sex ára.

Börn í leikskólum Vesturbyggðar eru tryggð.

Hagnýtar upplýsingar

Fjarvistir

Foreldrum ber að láta starfsfólk vita um allar breytingar varðandi mætingu barna, t.d. vegna veikinda eða annars.

Veikindi

Ekki er aðstaða til að annast sjúk börn. Í leikskóla er alltaf meiri hættu á smiti og útbreiðslu algengra umgangspesta. Fáir barn smitandi sjúkdóm á það að vera heima, þar til smithætta er liðin hjá til að forðast að smita aðra í leikskólanum enda sjálfsögð tillitsemi við önnur börn. Ef barn veikist á meðan það er í leikskólanum er hringt í foreldra þess og þeir beðnir að sækja barnið.

Lyfjagjafir

Starfsfólk leikskólans má ekki gefa börnunum lyf og foreldrar eru beðnir um að halda lyfjagjöfum fyrir utan leikskólann.

Barn getur fengið að vera inni í 2 daga eftir hitaveikindi að beiðni foreldra **að höfðu samráði við deildarstjóra eða leikakólastjóra**, enda hafi það verið heima 1 – 2 daga hitalaust.

Slys

Ef barn slasast í leikskólanum er foreldri strax látið vita og bregst starfsfólkið við hverju tilfelli eftir bestu vitund. Haldin er skráning yfir slys sem eiga sér stað í leikskólanum.

Klæðnaður

Nauðsynlegt er að klæða börnin þægilega og eftir veðri. Allir eiga að vera með aukaföt í leikskólatöskunni sem er geymd hólfi barnsins á Arakletti en í sérstökum skúffuskáp á salerni á Tjarnarbrekku. Nauðsynlegt er að merkja allan fatnað barnanna, útiföt, regnföt, skó, stígvél og aukaföt. Vel merktur fatnaður týnist síður. Gott er að börnin hafi inniskó. Leikskólinn ber ekki ábyrgð á ómerktum fatnaði.

Afmæli

Haldið er upp á afmæli barnanna í báðum leikskólanum í samvinnu milli foreldra og deildarstjóra. Foreldrar eru beðnir að bjóða börnum í afmæli utan leikskólans og setja ekki boðskort í hólfi barnanna.

Mikilvægar upplýsingar

Leikskóli Vesturbýggðar, þar sem gleðin býr!

Opnunar- og lokunartími

Leikskólarnir opna kl. 7:45 og er tekið á móti börnunum á Króki og Kletti í Aralketti. Leikskólarnir loka kl. 16:15.. Hægt er að kaupa 15 mín. fyrir og eftir vistunartíma barnsins og er sótt um það hjá leikskólastjóra.

Dvalartími

Við upphaf leikskólagöngu er gerður skriflegur samningur við foreldra um dvalartíma barnsins. Foreldrum ber að virða þennan samning.

Vistun barnsins

Sækja þarf um breytingu á dvalarsamningi með mánaðar fyrirvara og miðast við 1. hvers mánaðar, á sérstöku eyðublaði sem hægt er að nálgast hjá leikskólastjóra eða deildarstjórum.

Foreldraviðtöl

Foreldraviðtal eru einu sinni á ári, oftast í mars. Þá er farið saman yfir þroskamat sem starfsfólk hefur tekið á barninu og rætt ýmislegt fleira sem foreldrar og starfmenn vilja koma á framfæri eða ræða frekar. Auk þess geta foreldrar beðið um viðtal við deildarstjóra eða leikskólastjóra ef eitthvað sérstakt kemur upp á eða þeir vilja ræða sérstaklega við starfsfólkið.

Foreldrakaffi og önnur foreldraboð

Börnunum þykir einstaklega skemmtilegt að fá foreldra sína í heimsókn í leikskólann sem á nokkuð stóran þátt í lífi barnsins. Starfsfólk hefur skilning á því að ekki er öllum foreldrum fært að mæta í öll boðin á árinu en vonumst við til þess að allir sjái sér fært um að mæta sem oftast.

Foreldrasamstarf

Gott foreldrasamstarf er mikilvægur þáttur í starfsemi hvers leikskóla og er lögð áhersla á okkur að koma til móts við foreldra eins og mögulegt er. Heimili og skóli stefna að sameiginlegu markmiði; vellíðan og þroska barnsins. Við leggjum áherslu á góð og dagleg samskipti þegar foreldrar koma með og sækja börnin sín og foreldrar eru velkomnir inn á deildir. Foreldrafundir eru a.m.k. einu sinni á ári, að hausti, þar sem skipulag og markmið leikskólans eru kynnt. Daglegar upplýsingar um barnið heima og í leikskólanum eru mjög nauðsynlegar. Mikilvægt er að foreldrar láti vita þegar um breytingar er að ræða á högum barns.

Foreldrafélag

Við leikskólann eru starfandi tvö foreldrafélög, eitt við hvora starfsstöð. Þegar barn hefur leikskólagöngu ganga foreldrar sjálfkrafa í félögin. Foreldrafélögin eru með fjáröflunarstarf; bæði kökubasar og bingó. Þau standa straum af leikskýningum og gefa börnum leikskólans jólagjöf og foreldrafélagið á Tjarnarbrekku gefur sumargjöf auk þess sem foreldrafélögin sjá um jólaföndur og vorferðir leikskólans en þær eru farnar seint í maí eða byrjun júní.

Viðtalstímar

Hægt er að ná í leikskólastjóra á vinnutíma hans eða frá kl. 8:00 til 16:00. Ef deildarstjórar eru með auglýstan viðtalstíma eða símatíma er gott að nýta þá til upplýsinga eða fyrirspurna vegna barnsins. Foreldrar eru beðnir virða frítíma starfsfólksins.

Leikskóli Vesturbyggðar, þar sem gleðin býr!

Snemmtæk íhlutun
Leikskóli Vesturbyggðar leggur áherslu á snemmtæka íhlutun, það þýðir að gripið er snemma til aðgerða í lífi barnsins ef þörf krefur. Markmiðið með snemmtækri íhlutun er að ná fram árangri í framvindu þroska barns eins fljótt og auðið er. Árangur snemmtækrar íhlutunar fer að miklu leyti eftir þátttöku foreldra og samvinnu fagfólks sem að barninu kemur. Mikilvægt er því að íhlutun hefjist um leið og grunur vaknar um frávik í þroska. Vanda ber til skipulags og vinnubragða og gera þarf ráð fyrir heildstæðri þjónustu og markvissum aðgerðum þar sem unnið er eftir viðurkenndum aðferðum í kennslu og þjálfun.
Leikskólaráðgjöf
Leikskólinn hefur aðgang að tveimur sérfræðingum í tengslum við ráðgjöf fyrir einstök börn. Elmar Þórðarson, talmeinafræðingur, kemur þrisvar á skólaári í einn til tvo daga í senn. Hann sinnir leikskólanum í þessum heimsóknum. Áspór Ragnarsson, sálfræðingur kemur tvisvar til þrisvar á ári og sinnir þá ráðgjöf á sömu stöðum. Þar við bætist þjónusta talmmeinafræðinga og atferlisfræðings hjá Tröppu sem býður upp á greiningar og talþjálfun fyrir börn og fullorðna í gegnum fjarbúnað.
<i>Framvinda þegar foreldrar/forráðamenn ræða áhyggjur sínar við starfsfólk leikskólans.</i>
1. Foreldri/forráðamaður/starfsmaður kemur með athugasemd/beiðni til deildarstjóra eða leikskólastjóra.
Deildar- eða leikskólastjóri skráir athugasemdir sem fara í persónumöppu barnsins.
2. Deildarstjóri og leikskólastjóri skoða málið við sérkennslustjóra og/eða fulltrúa úr þjónustuteymi leikskóla ef þörf krefur.
3. Deildarstjóri eða leikskólastjóri upplýsa foreldri/forráðamenn um vinnslu málsins og fylgja því eftir.
Jafnframt er þess gætt að upplýsingar um málið séu skráðar skilmerkilega í persónumöppu barnsins.
4. Sérfræðiteymi vinnur eftir atvikum með mál viðkomandi barns í samvinnu við foreldra/forráðamenn, og greina vandann ef hann er fyrir hendi, eru ráðgefandi um framhaldið og sinna eftirfylgni og endurmati.

Leikskólastarfið

Grunnur að allri leikskólakennslu er frjáls leikur, samskipti og skapandi starf. Mestur tími leikskóladagsins er leiktími sem ætlaður er fyrir frjálsan leik, bæði úti og inni. Um leið og fer að birta og hlýna í veðri á vorin er lögð meiri áhersla á útiveru.

Vettvangsferðir

Farið er eins og kostur er í vettvangsferðir í nágrenni leikskólans. Í ferðunum kynnast börnin sínu nánasta umhverfi, náttúrunni og staðháttum. Á vorin er farið í sveitaferð á vegum foreldrafélagsins og einnig fara elstu nemendur leikskólans í útskriftarferð.

Samverustundir

Á hverjum degi eru samverustundir. Þar er sungið, hlustað á sögur og margvísleg mál rædd. Þessar stundir gegna stóru hlutverki við eflingu félagsþroska og til málörvunar. Barnið lærir að hlusta og tjá sig.

Leikskóli Vesturbýggðar, þar sem gleðin býr!

Máltíðir

Lögð er áhersla á einfaldan, hollan og næringarríkan heimilismat. Hér á töflunni fyrir neðan er sýnt í stórum dráttum hvernig matseðillinn er uppbyggður en þessi tafla er ekki tæmandi.

	Mánudagur	Þriðjudagur	Miðvikudagur	Fimmtudagur	Föstudagur
Morgunm. Kl. 8:30 – 9:00	Hafragrautur mjólk, vatn, lýsi.	Súrmjólk, vatn, lýsi.	Hafragrautur, mjólk, vatn lýsi.	Hafragrautur, mjólk, vatn, lýsi.	Kakó, ristað brauð, smjör, álegg.
Ávaxtatími Kl. 10:30 – 10:45 Hollusta og fjölbreytni í fyrirrúmi	Epli, bananar, perur, melónur, appelsínur, vínber	Epli, bananar, perur, melónur, appelsínur, vínber	Epli, bananar, perur, melónur, appelsínur, vínber	Epli, bananar, perur, melónur, appelsínur, vínber	Epli, bananar, perur, melónur, appelsínur, vínber
Hádegism. Kl. 12:00 – 12:30	Fiskur, karöflur, grænmeti, mjólk, vatn.	Kjötmeti, kartöflur, grænmeti, mjólk, vatn.	Spónamatur, brauð, álegg, mjólk, vatn.	Fiskur, karöflur, grænmeti, mjólk, vatn.	Kjötmeti, kartöflur, grænmeti, mjólk, vatn.
Síðdegishr. Kl. 15:15 – 15:35	Mjólk, brauð, álegg.	Mjólk, brauð, álegg.	Mjólk, brauð, álegg.	Mjólk, brauð, álegg.	Kakó, ristað brauð, smjör álegg

Hvíld

Hvíldartími er frá 12:30 og eftir atvikum til 14:00 Foreldrar eru beðnir að virða matartíma og hvíldartíma og sækja börn kl. 13:30 eða kl. 13:00 og vinsamlegast ekki hringja á þessum tíma nema ef brýna nauðsyn ber til. Í hvíldartíma barnanna er lögð áhersla á að eiga notalega stund. Börnin leggja sig og þau sofna sem þurfa. Yngstu börnin hlusta á lága tónlist eða þögnina en eldri börnin hlusta gjarnan á sögur eða ævintýri.

Fataklefinn

Þar eru börnin hvött til að klæða sig sjálf, eftir getu og aldri. Þar er lögð áhersla á sjálfshjálp, samhjálp og tillitsemi. Því er svo mikilvægt að börnin séu í góðum og einföldum fötum sem þau eiga auðvelt með að klæðast og afklæðast. Markmiðið er að þegar barn er á síðasta ári sínu í leikskólanum geti það klætt sig sjálft í og úr útífatnaði.

Hópastarf

Í hópastarfi er börnunum skipt í hópa eftir aldri og þroska og reynt að hafa hópana eins aldurshreina og mögulegt er. Börnin fara í hópastarf á morgnanna og byrjar það kl. 9:00 alla morgna á Arakletti en milli kl. 10:00 og 11:00 á Tjarnarbrekku. Í hópastarfi læra börnin meðal annars að vinna í hóp. Verkefnaval er við hæfi hvers einstaklings og lögð áhersla á gleði og virðingu fyrir sjálfum sér og öðrum. Boðið er upp á opinn efnivið; þar á meðal einingakubba á Tjarnarbrekku en þeir eru ekki fyrir hendi á Arakletti og er því notaðir eldri gerð af trékubbum og legó í staðinn Von er á að búið verði að fá einingakubba á

Leikskóli Vesturbýggðar, þar sem gleðin býr!

Araklett fyrir áramót 2016-17. Einnig er boðið upp á Lífsmenntartíma, vináttufundi, umhverfiskennslu, sköpun, tónslist, lífsleikni, hreyfingu og könnunarleik.

Leikskólastarfið almennt er undirbúningur fyrir lífið sjálft.

Klettur/ starf með yngstu börnunum

Klettur er yngsta deildin á Arakletti og það koma börnin inn frá 14 mánaða aldri. Strax þar er lögð áhersla á Lífsmennt og Læsi gegn um leik og starf. Lögð er áhersla á að skapa gott og gefandi andrúmsloft þar sem gleðin og góðvildin eru allsráðandi. Sama á við á Tjarnarbrekku.

Krókur/starf með miðhópnum

Börnin koma yfir á Krók eftir að þau hafa náð þriggja ára aldri en það fer þó eftir barnafjölda í leikskólanum hverju sinni. Á Króki ríkir sami gleðiandinn og þar halda börnin áfram að læra Lífsmennt og Læsi ásamt ýmsu öðru sem maður þarf að læra þegar maður er orðinn svona stór! Tekið er mið af þroska hvers og eins og lögð áhersla á að mæta hverju barni þar sem það er statt. Sama á sér stað á Tjarnarbrekku.

Kot

Starfið í Koti með elstu nemendum er framhald af því starfi sem viðhaft hefur verið á yngri deildum leikskólans en gerðar eru auknar kröfur til nemenda eftir því sem aldur og þroski barnanna eflist. Gott samstarf er milli grunnskólans og leikskólans. Farið er í heimsóknir í grunnskólana á vorönn þar sem börnin fá að skoða og kynnst nýju umhverfi sem undirbýr þau fyrir næsta skólastig. Kennari yngsta stigs grunnskóla kom heimsókn í október sl. og kynnti sér starfsemi Kots og er stefnt að því að fleiri kennarar á yngsta stigi heimsæki Kot í vetur. Er það liður í því að brúa bilið milli leik- og grunnskóla. Einnig heimsækja gamlir nemendur leikskólann sinn einu sinni á vetrinum. Elstu börnin á Tjarnarbrekku fá sömu/svipaða kennslu og í Koti. Á Tjarnarbrekku er fastir samvinnutímar með yngstu nemendum grunnskólans og elstu nemendum Tjarnarbrekku vikulega í vetur.

Upplýsingatöflur

Hver deild fyrir sig hefur upplýsingatöflu við inngang. Á töflunni er upplýsingum komið á framfæri til foreldra barna um það sem á dagana drífur og skilaboð fyrir næstu daga. Einnig er upplýsingatafla við inngang/útgang leikskólans þar sem matseðill dagsins er settur upp og hve börnin borðuðu vel sem og upplýsingar er varða leikskólann. Í Koti eru þessar upplýsingar á útihurð og við hurð.

Foreldrfélagið á Arakletti er með sér töflu við inngang þar sem auglýstar eru uppákomur og fleira á vegum þess.

Taska barnsins

Taska barnsins á að innihalda föt til skiptanna (nærföt, sokka, sokkabuxur/gammosíur, bol), einnig föt vegna útiveru: (ullarsokka, lúffur, húfu, hlýja peysu), og pollagalla. Í upphafi dags taka foreldrar barna upp úr töskunni það sem líklegast verður notað yfir daginn og í lok hvers dags á ekkert að hanga í hólfinu nema taskan, til þess að hægt sé að þrifa hólfið, bekkinn og undir bekknum. **Athugið að ef útifatnaður barnanna er óhreinn þarf að fara með hann heim og þvo hann og koma síðan með hann hreinan að morgni.** Á föstudögum skal taka töskuna heim ásamt öllum fötum barnsins (einnig útifötum í þurrkskáp) og innihaldið yfirfarið þvegið og bætt. Ef barnið er í leikskólanum allan daginn er æskilegt að það sé með tvo ganga af vettlingum og öðru sem gæti blotnað fyrir hádegi. Aðstæður á leikvellingum er skoðuð og metin á hverjum degi og ekki farið út ef það þykir ekki æskilegt.

Opið hús

Á vorin er opið hús í leikskólanum í báðum starfsstöðvum þar sem afrakstur vetrarstarfsins er til sýnis.

Leikskóli Vesturbýggðar, þar sem gleðin býr!

Útskrift

Elstu nemendur leikskólans eru útskrifaðir að vori og er haldin lítil og látlaus athöfn að því tilefni; börnin fá afhent útskriftarskírteini og litla gjöf frá leikskólanum sínum.

Barninu fylgt inn á deild

Mikilvægt er að góð, dagleg samskipti þegar foreldrar koma með og sækja börn sín. Þess vegna er mikilvægt að barninu sé fylgt inn á sína deild og starfsmaður látinn vita þegar barn er sótt. Þetta er ekki síður mikilvægt þegar komið er með börnin eða þau sótt úti í garði.

Hverjir mega sækja barnið

Látið vita ef einhver annar en foreldri sækir barnið. Ekki er leyfilegt að senda barn heim með yngra barni en 12 ára.


Aðlögun

Aðlögun er sá tími sem foreldrar eru með börnunum sínum í upphafi leikskólagöngu. Þar er hornsteinn lagður að öryggi barnanna og samstarfi heimilis og leikskóla. Mikilvægt er að traust og góð samvinna takist strax milli foreldra og starfsfólks. Þegar barnið hefur leikskólagöngu er nauðsynlegt að hafa í huga þær breytingar sem það hefur í för með sér fyrir barnið. Það þarf að aðlagast nýju umhverfi, kynna starfsfólki og börnum sem fyrir eru, læra að vera í hóp, venjast dagskipulaginu o.fl. Aðlögun er á þrennskonar hátt;

Einkaviðtal. Foreldrar koma án barns til leikskólastjóra, gengið er frá dvalarsamningi og foreldrar fá afhenta námskrá leikskólans og foreldrahandbók. Þegar viðtalinu lýkur hitta foreldrar deildarstjóra á þeirri deild sem barnið byrjar á og mun hann kynna foreldrum húsnæði, aðbúnað og helstu starfsemi.

Aðlögun barns. Það er einstaklingsbundið hve langan tíma það tekur fyrir hvert barn að aðlagast, yngra barn þarf oft lengri aðlögun en það eldra. Foreldrar skulu gera ráð fyrir 5-10 dögum til aðlögunar, sem skipulögð er með samkomulagi foreldra og deildarstjóra. Við hvetjum foreldra til að nota tímann vel til að kynna starfsemi sem best.

Aðlögun milli deilda. Þegar barn flyst milli deilda er aðlögunin í höndum starfsfólks, en foreldri mun koma í viðtal við viðkomandi deildarstjóra.



Reglur Leikskóla Vesturbyggðar

Útgefið maí 2010

1. Leikskólarnir í Vesturbyggð eru ætlaðir börnum á aldrinum 14 mánaða til 6 ára. Sótt skal um leikskólavist með minnst 3ja mánaða fyrirvara. Börnin hætta á sumarlokun það ár sem þau verða 6 ára. Opnunartími Arakletts er frá kl. 07:45 til kl. 16:15. Opnunartími Tjarnarbrekku er frá kl. 07:45 til kl. 16:15.
2. Umsækjandi og barn skulu vera með lögheimili í Vesturbyggð.
3. Leikskólarnir eru einsetnir. Grunnvistun er frá kl. 08:00 til kl. 12:00. Boðið er upp á breytilega vistun umfram grunnvistunartíma.
4. Leikskólastjóri boðar foreldra nýrra barna til viðtals, þar sem hann veitir upplýsingar um starfsemina og þjónustu rekstraraðila og fær nauðsynlegar upplýsingar um barnið.
5. Leikskólagjald er ákveðið af bæjarstjórn á hverjum tíma. Fæðisgjald skal greiðast um leið og leikskólagjaldið. Vistgjaldið greiðist frá þeim tíma að aðlögun hefst.
6. Leikskólagjöld eru greidd fyrirfram. Gjaldldagi er fyrsta hvers mánaðar. Eindagi er 15 dögum eftir gjaldldaga, dráttarvextir reiknast frá eindaga. Ef gjaldið hefur ekki verið greitt í 1 mánuð eða um það samið við leikskólastjóra eða bæjaryfirvöld er litið svo á, að viðkomandi hafi afsalað sér plássinu frá 1. næsta mánaðar og leikskólagjöld þá send lögfræðingi til innheimtu.
7. Gagnkvæmur uppsagnarfrestur leikskólans og foreldra/forráðamanna er einn mánuður hið minnsta. Leikskólastjóra er heimilt að krefjast mánaðar greiðslu frá uppsagnardegi, hafi reglum um uppsagnarfrest ekki verið fylgt. Uppsögn skal skila á eyðublaði sem fæst hjá leikskólastjóra.
8. Veikt barn skal ekki koma í leikskólann. Tilkynna þarf veikindi barns og einnig, ef barn mun af öðrum orsökum ekki mæta í leikskólann. Ef barn er fjarverandi í minnst 4 vikur samfelld vegna veikinda er heimilt að gefa allt að helming dvalargjaldsins eftir gegn framvísun læknisvottorðs.
9. Barni er aðeins heimilt að dvelja í leikskólanum þann tíma sem dvalarsamningur kveður á um. Foreldrum ber að virða þetta samningsákvæði.
10. Þeim, sem fylgja barni í leikskólann eða sækja, ber að láta viðkomandi starfsmann vita um komu sína og brottför. Látið ávallt vita, ef einhver annar en vanur er sækir barnið. Börn í leikskólanum skulu ekki sótt af yngri börnum en 12 ára.
11. Barn sem er að byrja í leikskólanum, skal fá aðlögunartíma með foreldri eða forráðamanni sínum til að fyrirbyggja, svo sem unnt er, röskun á öryggiskennd barnsins.
12. Morgunmat hefst kl. 08:30. Foreldrar eða forráðamenn, sem eru með börn sín í morgunmat, þurfa að vera mætt með þau fyrir þann tíma.

Leikskóli Vesturbýggðar, þar sem gleðin býr!

13. Hádegismatur er kl. 11:30 – 12:00. Barn sem ekki er mætt kl. 10:00 er álitíð í frúi og ekki gert ráð fyrir því í hádegismat nema að látið sé vita af seinkun fyrir kl. 10:00. Þetta er gert til að geta áætlað þann fjölda sem er í mat hverju sinni til að draga sem mest úr matarsóun.
14. Morgunmatur, hádegismatur og síðdegishressing er dregið af fæðisgjaldi þegar barn er samfelldt 10 daga í burtu.
15. Um leið og bæjaryfirvöld fá upplýsingar um það, að viðkomandi foreldri er komið í sambúð, fellur niður afsláttur á gjaldi sem á við um einstætt foreldri.
16. Að jafnaði skulu vera 4-5 starfsdagar á ári og skulu þeir vera auglýstir með mánaðar fyrirvara.



Tjarnbrekkungar í fjöruferð

Lítill heímur

*Þar er gott að vera sem gleðin býr
þar sem gerast sögur og ævintýr
Svona er veröldin okkar
sem laðar og lokkar
svo ljúf og hýr*

*Lítill heímur ljúfur hýr
lítill heímur ljúfur hýr
lítill heímur ljúfur hýr
eins og ævintýr!*



Leikskóli Vesturbyggðar, þar sem gleðin býr!